



№ 10 სალიტერატურო ჟურნალი

წერილები და ფული გამოიგზავნება ამ დაწესით: Тифლის, Типография Т-ва „Шрома“. Теофилу Ерастовичу Болквадзе.

* * *

დაემარხეთ... ლოდი დავადეთ,
 ზედ ამოვკერით წარწერა:
 „სიკოცხლე იმედს დასტირის...
 მო, ნახე, ვისაც არ გჯერა!“
 სიკოცხლე თუმც ისევ ჰფეთქავს,
 მაგრამ თან ბორკილს ატარებს,
 ამის მოწმეა დემონი,
 მილოობზე რომ სდგას, ხარხარებს.
 ძვლის ჩონჩხსა ხელში ცელი აქვს,
 ის მსახურია დემონის,
 იმისი ნებით ნათრგუნ
 სიკოცხლე სიკვდილს ემონვის...

ვარდისა ბუჩქი დავრგევით
 ჩვენ სამარისა პირათა,
 გესურდა რომ იმას მოესხა
 ტურფა ყვავილი ხშირათა.
 ეს იყო გაზაფხულის პირს ..
 ბუჩქსა ვუვლიდით და ვრწყავდით,
 გვეგონა მასზედ მისში
 ჩვენ ვარდებს დაგინახავდით.
 არ აგვისრულდა წაილიო
 ბუჩქი ეკლებმა უკმოსეს,
 ძალიან უმეფვროლა
 ავის დემონის გემოს ეს:
 ეკალი — ტანჯვის ემბლემა,
 სიკვდილის მოკეტულია,
 სიკოცხლის თვალი ვარდია,
 მაგრამ ის დაჩაგრულია...

ამისა მოწმე დემონი
 მილოობზე სდგას და ხარხარებს.
 სიკვდილმა ფრთები გაშალა...
 სიკოცხლე ბორკილს ატარებს...

ნ. ზომლეთელი.



ნ. ზომლეთელი.

ნოე ზომლეთელიც (ნოე ქურდიე) ვერ ასცდა საერთო ბედისწერას და როგორც ყველა ჩვენი „ჩაგრულითა პოეტები“ მანაც უკიდურეს სიღარიბეში გაკვართა თავისი ქნარი. როგორც ყველა, ნოე ზომლეთელიც ღარიბ დედამამს შეილია. ის დაიბადა 1881 წელს სოფელ ზომლეთში (გურია). მამა მისი, თუმცა ამ დროს ვაჭრობას ეწეოდა, მაგრამ სიღარიბეს მაინც ვერ ახწვედა თავს. სამაგიეროდ

ნაცნობები ბევრი ჰყავდა. ამ ხანად აკეთში მასწავლებლათ უფვილა არსენ წითლიძე, მას კარგათ იცნობდა თურმე ნოეს მამა, რასაც შედეგად მოჰყვა ის, რომ არსენს ბავშვი მოანათლებიეს. სწორეთ ამ გარემოების წყალობით შესდგა მან ფეხი სწავლის გზაზე. ნოეს მამა ძველი ზნე ჩვეულების კაცი იყო და გულით უნდოდა შვილი ვინმე თავადისთვის მოენათლებია, მაგრამ დედა არ დაეთანხმა. ნოეს ცხოვრებაში გამოსვლა და სწორ გზაზე დაღგომა სავებით უნდა მიეწეროს პატივეცემულ არსენ წითლიძეს. ის ამ დროს მოღვაწეობდა სოფლის სკოლაში და მთელ თავის ენერჯიას ახმარდა ხალხის განათლებას, როგორც გამოცდილმა მასწავლებელმა მან ყურადღება მიჰქაია პატარა ნოეს და რა აღმოაჩინა მასში უტყუარი ნიჭი, მოინდომავს ეწავლებინა რამე. ამ მიზნით 1887 წელს არსენმა თან წაიყვანა პატარა ნოე (მაშინ ის ექვსი წლის იყო) ს. ფარცხმაში, სადაც ის ვადაყვანილ იქნა მასწავლებლათ. აქედან არსენი ბასილეთის ორ კლასიან სასწავლებელში გადავიდა და ნოეც თან გადაიყვანა. აქ დაასრულა მან სასწავლებელი 1892 წელს. სიღარიბეში დაბადებულ ნოესთვის განუყრელი მეგობარი შეიქნა უკიდურესი გაჭირვება ის მას ერთ წუთსაც არ ანებებდა თავს. კულ პირობებში ჩავარდა ის, როცი არსენ წითლიძე ს. ხვარბეთში ვადაყვანეს და ნოე მარტო დაჩნა ბასილეთის სკოლაში. ბასილეთში მას ჰყავდა შორეული ნათესავები და რომ იოლათ გამოსულიყო ხშირ-ხშირათ დადიოდა ერთი მოყვრიდან მეორესთან თავის ბარგი-ბარხანით. სიღარიბის გამო ნოე იძულებული იყო სკოლაშივე დაესწავლა ვაკეთილები, რადგან წიგნები, საწერ-კალამი და სხვა სასწავლო ნივთები მას არ ებადა. სწავლაში პირველობას იჩენდა, თავიდანვე მისი იდეალი იყო მასწავლებლათ გახდომა. ასეთ-სავე რჩევას აძლევდა არ. წითლიძეც. სოფლის სკოლა აღრე გაათავა. უნდოდა საოსტატო სემინარიაში შესულიყო, მაგრამ 16 წლამდე არ მიიღებდენ. ამიტომ ის იძულებული გახდა სახლში დარჩენილიყო. ამ ხანაში ნოეს ცხოვრება არა სასურველ ფორა მას ღებულობს; ის ხან ძროხებს უღვას, ხან სახლში აკეთებს სხვა საქმეებს. მამა იმ აზრის იყო, რომ ბავშვი სახლში დარჩენილიყო და ოჯახში ემუშაუნა. ამ არა სანატრელ მდგომარეობიდან ნოე გამოიყვანა ერთმა გარემოებამ, ამ დროს ს. აკეთში გაინსნა წიგნთ საცავ-სამკითხველო. 1891 წელს ნოე დანიშნეს ამ სამკითხველოში. სწორეთ აი აქ დეწავდა ის წიგნებს და თავის პაწია გონებრივ სალა-როში დიდი განძი შეიტანა. ნოე ხარბათ კითხულობდა წიგნებს, ბიბლიოთეკა ამ მხრით ძლიერ

მდიდარი იყო, თუ პატივეცემულმა არ. წითლიძემ პირველათ დააყენა ის სწორ გზაზე და მის მომავალ ცხოვრებაში მნიშვნელოვანი როლი ითამაშა ამ მხრით არა ნაკლები დეწლი მიუძღვის მეორე პატივეცემულ პირს აკაცი გეგექორს. ის ამ დროს მასწავლებლათ იყო. ს. აკეთში. მან დაიახლოვა ნოე, ურჩევდა წიგნებს, ებასებოდა და თავისუფალ დროს ასწავლიდა თუმცა ნოე აღარ ფიქრობდა სემინარიაზე. მაგრამ აკაცისთან დაახლოებამ ეს აზრი ისეე აღუძრა მან ვიანდო აკაცის თავის გულის წადილი. როგორც კეთილი და პატიოსანი კაცი ის ყურადღებით მიეპყრა ამ გარემოებას. 1896 წ. მან წაიყვანა ის დ. ხონში მოამხადა მუქითათ, თავის ხარჯზე და სემინარიაში ეგზამენი დააქერინა. სემინარიაში კურსი 1900 წელს დაასრულა ნოემ. მას აქეთია ის ღღემდე ეწევა სოფლის მასწავლებლის მძიმე უღელს.


1908 წელს ვერც ის ასცდა ცნობილ ტოლმანგის რისხვას. და გაძევებულ იქნა გურიიდან, ვადავიდა სამეგრელოში და დღესაც იქ მასწავლებლობს. ლექსების წერა ნოემ პატარაობიდანვე დაიწყო, როცა ბიბლიოთეკაში მსახურობდა, ყველაზე მეტი ქარ თველ პოეტებში აკაცი მოსწონდა და უფრო კი მისი „თორნივე ერისთავი“, სწერდა სემინარიაშიაც. ერთი მისი ლექსი პუშკინის ასი წლის იუბილეზე წაკითხული, დასტამბულია სადღესასწაულო კრებულში, რომელიც 1899 წელს გამოიცა სამასწავლო ოღქის მხრუწველის მიერ. როგორც ზემოთ ვსტკვით ნოეს იდეალი იყო მესწავლებლობა. ის აღწევს მიზანს, მაგრამ ჩქარა მას ეს ველარ აკმაყოფილებს, მას რაღაც სულ სხვა უნდა. ის გამოურ კვეველ მდგომარეობაშია. ამ დროს მას ითრევეს პესნიმიზმი... და აი 1905 წელიც, მის წინ ცხოვრების შვი მანდილი ეხლება და ნოესთვის აშკარა ხდება ყველაფერი, ის ხელმეორეთ იბადება. ამ დღიდან ბოლო ეღება მისს პესნიმიზმსაც, ის ხარბათ ეწაფება ყველაფერს, სურს წინსვლა, განვითარება, მაგრამ... მისი განუყრელი მეობანი გაჭირვება არც აქ შორდება და უკან ეწევა. მასწავლებლის მძიმე მოვალეობა, ოჯახი და სხვა მძიმე უღელათ აწევათ თავზე.

ნოეს, როგორც პოეტს საზოგადოება იცნობს, 1906 წლიდან. მისი აშკარათ სამწერლო ასპარეზზე გამოსვლაში სხვებზე ნაკლები დეწლი არ მიუძღვის პატივეცემულ ლეო ნათაძეს. როგორც მახსოვს 1906 წელს ნოემ ვახეთ „ლაშკარში“, რომლის ხელომდვა ნელიც ლეო იყო, გამოგზავნა თავის პირველი ლექსი, ლეოს ისე მოეწონა ეს ლექსი, რომ ვახეთის საშვალეობით აცნობა კიდვე სწერეთ. პირველი ლექ-

სი დაიბეჭდა, მას მიჰყვა მეორე და ამ გვარათ საღალაქ სოფლათ მიმაღლული მასწავლებელი—ნოე საზოგადოებამ გაიცნო როგორც პოეტი ნოე ზომლეთელი. მას აქეთია ნოეს კალამი არ დაუშვია, სწერს ღლიურ და კვირეულ გამოცემებში, საუკეთესო მომავალი და ამ მომავლისთვის ბრძოლა—იროგორ გაჰყვიის მისი დაფი და ნალარა. პოეტს გულს უღუღლებს დღევანდელი სულის შემხუთეველი პირობები, მისი ქნარი კენესის, ცრემლებს აფრქვევს, მაგრამ ამავე დროს მას მტკიცეთ სწამს, რომ დაღვება უკეთესი დრო, და მისი კენესაც გმირულ ხმეათ შეიცვლება. ყველა მისს ლექსებში ეს რწმენა მაგრათ ჩაქსოვილია. ცხოვრებამ მას შხამ ნაღველი

ასვა, დედინაცვლობა გაუწია, მწყემსობიდან დაწყებული მასწავლებლობამდე მან საესებით იგემა მიხი მწვავე კლანქები, მაგრამ ქელი მაინც ვერ მოახრეენა, ვერ ჩააჩუმა მისი მომავლისათვის ყიყინა. ნოე ჯერ სულ ახალგაზდაა 30 წლის, თუმცა ცხოვრება ისევ დედინაცვლობას უწევს, მაგრამ მიუხედავით ამისა ის მაინც წინ მიდის. აქ ჩვენ არ შევუდგებით დაწერილებით მისი ლექსების დაფასებას, ეს კრიტიკოსებისთვის მიგვინდვია, ვიტყვით მხოლოდ რომ მისი ლექსები ღრმა აზროვანია და ენაც მუსიკალური.

იხ—



* * *

ღამის წყვილიაღმა შესუღრა სხივმნათი ცისა კამარა,
რწმენის ყვავილი დააქნო, იმედი დაასამარა,
სულის წარმტაცი სიმბოლო უკედაფი სიყვარულისა
გოლგოთის ჩრდილათ აქცია, შავ სვეტად ამართულისა.

დრო გაიყინა, გაქვავდა ცვალებადობა ჟამისა,
მიღუნდა მაშერალთ სავანე, წყარო ძალთ დასაბამისა,
საამო ზრახვით ღეღვიღი სულის კვეთება გმირისა
ყრულ განიავდა ვით კენესა მწუხრის ჟამს ანატორისა.

თითქოს ქვესკნელის მფლობელი დაებატრონა ზენასა,
ფრთა შეეკვეცა სურვილის კანდიერ აღმაფრენასა,
ელეგირმა გულის თქმამ დასწყვიტა გრძნობის სიმები,
გლოვამ მოიცვა სოფელი, ხან-მოკლეთ განალიმები..

ოცნების სრილს გავეყვები, სწრაფვას დაეიტკობო წამისას,
დაეტოვებ აწმყოს უმადლოს, ბურჯუს გავაპო ღამისას.
დაკოდელ სულის აზრდილად მომავალს მოვევლინები,
რომ მას მოეტაცო ჩაგრულთთვის სამოციქულო ჰიმები.

ენახავ სრულ-ყოფას რწმენისას, გონებით მიუწოდამელსა,
ვიხილავ ბრძოლის ახალ ზღვას, სტიქიონს დაუცხროპელსა.
ჩანგზე ავაწყობ სიმღერას, ღვთიური ცეცხლით წრთობილსა,
შიგ ჩავაქსოვებ ხსნის იმელს, ოცნების მხარეს შობილსა.

და დღემიწას მოვასმენ მომავლის გამოძახილსა,
სასოწარკვეთილთ აუნთებ წინსვლის ციურსა სახმილსა;
იმედის ვარსკვლავს მოვეუღვენ ლოდინით განამწარებასა
და მეგრძოლთ შემოსაკრებად ჩამოვკრავ დილის ზარებსა!

ს. აბაშელი.

ს ფ ი ნ ქ ს ი

(მინიატურა)

— შენ არ გეძინება, დამადე თავი კალთახე მე ზღაპარს გეტყვი, ცხოვრების ზღაპარს სევდით დაწერილს, კრემლით ამოქსოვილს.

— ეს მაშინ იყო, როცა ქარიშხალი, როგორც ეხლა სევდიანად ქვითინებდა, მწუხარებით სცემდა ფანჯარას ფრთებს და სევდიან ამბებს, ცხოვრების ზღაპრებს უაზობლად ქვეყანას, მაშინაც როგორც ეხლა არივის ესმოდა რაზე ლაპარაკობდა მწუხრის ზეფირი, მხოლოდ სევდიანი და გულსაკლავი იყო მისი მოთხრობა. ფანჯარასთან წვეროები დაეღუნათ და იცრემლებოდნენ მაღალი ჩაყვითლებული ნაძვები სევდიან გაცრეცილ ცას ობლობას შესჩიოდნენ. სპეტაკი სუდარა ზამთრისა მოეძრო გაზაფხულს და სიცოცხლის სახდერიდან მოდიოდა ფერგამკრთალი... მაშინ სცოცხლობდა ქვეყნად პატიოსანი მხედარი, ბრძოლის ველზე თავისუფლების ქურუმში საუკუნო ძილი ჰპოვა. სახე მიხილი სდარაჯობდა მის გვამს სიკვდილი, თითქო ეშინია ან უღაბნო არ მოიტაცოს, ან სისხლის ნიაღვარმა არ წაიღოსო, ჩონჩხების ქნარზე მღეროდა სიკვდილი გამარჯვების ჰანგს, რომ მოფორინდა ქალწული გედლის ფრონებით. კალთაში გაიხვია, თეთრი ფრთები მოათვარა და წაიღო ტანჯული სული.

ამ დღიდან მომავლადი უკვდავს უსმენდა.

საუკუნოები საუკუნეთ მისდევდა და ეს იყო მისთვის, როგორც ერთი წამი, მან იცოდა რაც ხდებოდა ქვეყნად, სად ან როდის.

ის მოწამე იყო ანგელოსათ ქცეული შეყვარებულთა ჩურჩულისა, სისხლის ღვრის და საშინელების საყვირის ცემისა. მისი სევდიანი აჩრდილი ცაზე ყველასგან განიჩნეოდა. ვარსკვლავები ერთი მეორეს უთითებდნენ მათე. მომავლადი მეორე ღმერთად იწამეს.

ღიდების ეტლში უკვდავებაში ჩასვენებული ვინ იცის სად არ მიაპქროლებდა... მაგრამ მოსწონდა სულის უკვდავება, უფალმაც შეაჩინა მისი მოწყენა და ნაღველის მიზეზი ჰკითხა.

— უფალო, მე არ მინდა უკვდავება, რადგან იგი განგრძობება ადამიანის ცხოვრებისა და ყოფნის სევდა არას დროს არ მოალებნენ სულს. მე მომწყინდა ვარსკვლავების ცქერა, რადგან ისინი რაც გუშინ იყვნენ ისე იქნებიან საუკუნოების შემდეგაც, იმავე სიტყვებს გაიმეორებენ შეყვარებულნი და არას დროს ერთი მათგანიც არ ასრულებდა და სადაც არის ადამიანის კრემლი შენ ცის კიდესაც შესძრავს. სულს მოსწყინდა ერთსახეობა მარადიული...

უფალს ეწყინა კანდიერი სიტყვები ტანჯული სულისა და ქვად აქცია იგი. უღაბნოში ძვეს ეხლა ის უზომოდოდ მკუენვარებაში გაქვავებული უკვდავია, მაგრამ ეს გრძნობა მასში დამარხულა. ერთ ღონეზე არის სამუდამეამოდ წიხის სახის ნაკეთები, ის სდუმს და მღუმარებაში გამოიხატება მისი სიდიადე, ძლიერება

უღაბოოს ქვიშა ახურებს მის გულს, მაგრამ არას გრძნობს სფინქსი. ის უტყვი პრეტესტია ტანჯული სულის უფლისადმი.

ბ. ტაბიძე.

მზის ასული.

(დრამატული ჰოუმ)

(გაგრძელება*).

II

(ჩესტანის სარდაფი. მგოსანა თავისი ამხანაგებით, რამდენიმე მუშა ქალები და მამაკაცები ცხარე კამათში არიან).

პირველი მუშა.

ღიბს. აგრეა!..

ვიბრძვით და მაინც ხსნა არსით არი, ცხოვრება ჩვენთვის ძმავ სამარეა, ტანჯვის არ უჩანს კიდეს-სახდარი. ქარხანის ქვაში ვიწვით დღე-მარად, მზე თუმცა ნათობს, ჩვენ ველარ გვევლება, ამ წუთის სოფლად ვითვლებით არად,— აღარც ცას ესმის ჩვენი გოდება. ჩვენით ფუფუნებს ფლიდი ბატონი, მუშებს კი სული შიმშილით ვგვდება: უკუღმართ ქროლვით მიჰქრინ დრონი,— გული გვიკვდება!

მგოსანი.

ნუ დაღონდებით, სუფევს სახდარი ძალ-გიძთ რომ სძლიოთ თქვენი მჩავერელი,— ხშირათ ხმას იცვლის ცხოვრების ზარი, ცვლებადია ქვეყნად ყოველი! დასაბამიდან ამ ცვლილებისა მიზეზი იყო ადამიანი, სურვილი სწავდა მისწრაფებისა, ვასაქირს სძლევდა გრძნობა ფხიანი. თქვენც ვერ აუხვევთ ვარდულ წესებს,— ერთხელც იქნება ბედისა გრდემლი, შურის-გებისა ცეცხლს დააკვებებს, შესწყდება გლოვა... გაშრება კრემლი!

მეორე მუშა.

ოჰ, სულ ლოდინი, მარად ლოდინი! როდის-ღა მივხედოთ სინამდვილესა?

*) იხ. „სალამური“ № 9).

გულის ბაღში ჩამქარალი თინი,
იმედის სხივი ვგრძნობ ჩაიღვსა.
ძალა გველევ: სულსა გვიხელავს
დუბჭირ ცხოვრების ჩარხის ტრიალი,
სისხლის ნაკადებს მდგლო მოურწყავს,
საფლავსა გვიღებს ხვედრი ტიალი
გესმით მწუხრის ეამს სარდაფებიდან
მწარე სიმღერა გულის დანწველი?
ეს მუშა სტირის თვის უმედობას,—
ღამითაც შხამავს ოცნების გველი.
ეგ ტირილია, უმწეო ზარი,
სულის სიღრმიდან ამოდებული,
მსხვერპლებს მიჰყენის მიუსაფარი,
საფლავებს უმღერს დაობლებული.

მესამე მუშა.

ახ, რად ამიშლით ისევ დებებს!
აღრევე ვიცით ხომ ეს ამბავი?—
მიღით, ჰკითხევით დაღუპულ ძმებსა,
მეტსაც გიამბობთ მათი საფლავი
ისტორიისა საშინელებას
სოფლის ტრიალი ზედ აწერს ლოდებს,—
ბევრი რამ ესმის თვით უკვდავებს,
უსულო ძეგლიც მოსთქვამს და ჰგოდებს.
ხშირად ჩვენგანვე განმორდება
დავიწყებული, ძველი სიმღერა,
წარსული აწმყოს არ მოშორდება:
ძლიერად ჯაჭვავს კაცთ ბედის წერა.
თანაც ყოველი განვლილი ეჟამი
ცხოვრების გზაზედ, აღბეჭავს კვალსა,
მას სიტკბო ახლავს, ბევრიც ვარამი:
საერთო აწმყო ჰქმნის მომავალსა!
არსებობს ხალხი—არსებობს ტანჯვა,
ერთი, მეორის მკვიდრი შვილია,
ტანჯვა შობს—შეებას, შეება—ტანჯვასა,—
ერთგვარ ყოფაში მხოლოდ მღლია.
თუმც იგიც იბრძვის არსებობისთვის,
აღარ ასვენებს მიწა წაგავსა,
მაგრამ დღისითა რასაც გაქეპავს
ღამითაც იმას აფარებს თავსა.
იმან არ იცის რა არი წინ-სვლა,
ფუჭია მისთვის დილა მზიანი...
მხოლოდ სულ სხვაა კაცი მოაზრე,
სსვა-გვარ ჰქმნილია ადამიანი.
მან აზრით აწმყოს უნდა დაშორდეს,
გარდაიფყოს წარსული ქირი,
საქმით, დროს შეიღმა დროს გაუსწორდეს,
მომავალსთან კი, ჰქონდეს კავშირი!

მეოთხე მუშა (ბრანთეულად).

ფილოსოფოსობს!

მგოსანი (ეურს მოჭერავს).

კიდევ ასე სჯობს!
განა მუშასა არ კი შეგვერის?...
ეჰ, ჩემო კარგო, ვინაც მარე ბუმბს
ის უკუღმართსა სიმღერას მღერის!

მეოთხე მუშა.

მეც გეთანხმებით... მაგრამ ეგ კითხვა
აღარ გვეჩირა თანაც არს რთული,
საქმეს შევუდგეთ...რაც ერთხელ ითქვა
მიეტყეს ბარემ მას დასასრული.
არ ვიცი როდის, მხოლოდ მახსოვს კი
ხალხში გაისმა ვითა ზღაპარი
რომ, უკანასკნელ განკითხვის დღისთვის
ემზადებოა მუშათ ლაშქარი.

მეხუთე მუშა.

გვითხარი რისთვის?.

მეოთხე მუშა.

ვმსჯელობთ ამისთვის!
ჩვენნი მგოსანიც გვეტყვის რამ რჩევას.
თუ კი თავს დავსდებთ მთელი ქვეყნისთვის
მრწამს მომავალი გვარგუნებს ძლევას.
მაშ ყური მიგდექ!..

თურემ ბორბალი
წუთისოფლისა, უკულმა ბრუნავს,
დროთ-ვითარებას მიუძღვის ბრალი
რომ სიცოცხლესა სიკვდილი ჰღუნავს,
უკვდავებისა საამო წყაროს
აგ-სულთა რაზმი ჰყოლია მტველად,
არავის ძალ-უძს რომ მიეკაროს,—
ხმაღს ვერ აღიღებს შესაბრძოლველად.
მით სარგებლობენ მხოლოდ რჩეულნი
განცხრომის შვილნი, მდებარნი სულით
ლხინს განიცდიან,—ოდეს ძლეულნი
სისხლსა და ბაღდაშს ანთხევენ გულით.
ქვეყანა პირველ სხვა-გვარად ქმნილა:
არსებობისთვის ვინც გაჩენილა,
ყველას ჰქონია იმაში წილი,—
ის კაცი იყო თუ სუსტი რწყელი.
ბუნების წესით: ადამიანსა
არავითარი არა აქას ნება
დატუქსოს სუსტი, ან მოქმედებით
მას მიაყენოს რაიმე ვნება.
მაგრამ ვით ვხედავთ, რაღაც ნაირად
მთლად შეუცვლიათ წესი და რიგი,
ვინც გარდალახა ეს კანონები
სოფლის დიდებას ჰფლობს მხოლოდ იგი.
ბუნების არსნი ამ სამოთხიდან
განუდევნიათ ვით ცხვრისა ფარა,
ზიზლით დაჰყურებს მათ მღღობიდან,—

მისივე მსგავსა მეფე გამხდარა.
 რწყილებს ვინ უწყებს რამ ანგარიშსა?
 მათი ადგილი უჭირავს კაცებს,—
 ფეხებით სრესენ უსუსურთ ჯიშსა,
 მეტყველი უტყვისა სიცოცხლეს სტაცებს.
 თუ რომ მოუნდათ, მეტყველ კაცებსაც
 წამების ბოძზე ჩამოაკიდებენ,
 და, მათი ტანჯვით აღფრთოვებულნი
 ნეტარ სიმღერას ამოაკიდებენ.
 განა თქვენ ძმებო, ცოტა გინახავთ
 ამის მაგვარი მაგალითები?

ჰაი, ჰაი რომ თვით დავგიმარხავთ
 ავრე დასჯილნი, საბრალო ძმები!
 (ამ დროს ვიღაც კარებს აკაკუნებს. შეშინდის წელში მო-
 ხრალია, ზომავს კამხდარა მოხუცა ქალა. მეტა სისუს-
 ტისაგან წასაქცევით ქანაზს).

მახუცი ქალი.

შვილებო! კეთილ სიცოცხლე თქვენი,
 არ წაგხდენოდეთ ჩემსავით ღღენი..

(ფეხზე დგამს უქარს და აქეთ-აქეთ იტყინებს რომ და-
 სჯდომი გზავოს. მგოსანი შენაშავს და სკამს მაუტანს).

მგოსანი.

დაბრძანდით დედი!..

მახუცი ქალი.

ოჰ, ცის იმედი

არ მოგკლებოდეს კეთილო შვილო:—
 სრულიად მოგტყდი, ქალი მოვხუციდი
 და მომაცვდავაც უნდ ვიცოდვილო,—
 სხვაც შესაწუხო..

მგოსანი.

რა გიჭირს დედი?

მახუცი ქალი.

მტერს დაემართოს ისეთი ჭირი!
 საცოდვობას ველარ გავუძელო
 და გავიტყებ ნამუსი, პირი!..

მგოსანი.

როგორ? რა რიგათ?

მახუცი ქალი.

რადა და იმად:
 ობლები დამრჩა შვილის შვილები,
 შიმშილ სიცივით მეხოცებიან;
 უბატრონოთა დაცვენილები
 მარად პურს მთხოვენ, მევედრებინ ..
 მე მათი საზრდო-საკვები კი არ,
 თითქმის არა მაქვს თავ შესაღარი,
 და, რომ ბალებსა ვუშველო რამე
 მთხოვრად დავდივარ დღე-განამაჟირა.

მგოსანი.

ეგ უბედობა როდის შეგემთხვიათ,
 რითი მოგიკვდათ შვილი და რძალი?

მახუცი ქალი.

კაცთა სიავემ შავით შემშოხა,
 ოთხ შვილის დედა, ის ჩემი რძალი,
 დუშმენებმა მოაკლეს გაფიცვის დროსა.
 შვილს საპატიმრომ მოუღო ბოლო,
 ცივ კედელთ შორის დალია სული,
 მე კი, მე ვაჰმე, უკან ჩამოვრჩი
 ბედ უკუღმართი, სიცოცხლე-კრული!
 აწ კარ და კარა დავებეტები
 რომ გემოკვებო მთი ბალები,
 მაგრამ მეც მალე უკან გავყვები,
 მოისვენებენ ტინჯული ძვლები.

მგოსანი (ამხანაგებს).

ძმებო! აწ დროა ვსცნათ ჩვენი ვალი,
 ვანუგეშოთ ეგ საბრალო ქალი!

მესამე მუსა.

ჰა, ჩემი წილი!

მუსა ქალი. (მწყურედ).

როგორა გვსრესენ, ვაჰ ჩვენი ბრალი!..
 ვინ იცის გმირო, ეგებ ტანჯვის ჟამს
 როს უფატრონოდ სული გხდებოდა,
 გულით ნატრობდი ცოლ-შვილის სალამს,
 უმწე ბალები გელოანდებოდა?
 ვინც იცის: ეგებ გარჯობა-მიხილილი
 საყვარელ მოძმეს უშვერდი ხელსა,
 მაგრამ სიკვდილის შავი აჩრდილი
 წინ გაგემებდა გაბასრულ ცელსა?
 ეგებ ღიმილით ესაღმებოდი
 მტკიცეთ შეფიცულს იღვალს შენსას,
 მტერს კბილთა ღრქენით ემუქრებრდი,—
 წყევა და კრულვას ესროდი ზეცას?

(ანუებულად).

ოჰ, საზიზღარნო, შავო კედლებო
 ის, მწარე ფიქრებს თქვენ გაბარებდა!

(ამხანაგებს).

ჩვენ კი, იმ დროსა რას ვგრძნობდით ძმებო
 როს მტერი მოძმეს ასამარებდა?
 ჩვეულებრივით, მშვიდათ და ნელა
 ხმას ვაყოლებდით ქარხნის საყვირსა...
 ახ, ლაჩრები ვართ, ლაჩრები ყველა,
 ხშირად ვერც ვისმენთ ძმის გასაქირსა!

(მოხუცს, რომელაც ქეთინეს).

დედი, იტირე, იტირე მარად,
 შენი ვაჟაკი ველარ აღსდგება,—
 მწარე ქეთინი გვსმინე ზარად,
 რომ ახმაურდეს შურის-ძიება!

მგოსანა (მოსხუცს შეკრთავდ ფულუბს აძღუეს).

ჰა, ჩემო დედი, ხუთი მანეთი,
მეტი არა გვაქვს, მოწმეა ღმერთი!
ერთი ჩვენგანი სახლში მიგიყვანს,
კარგად ისწავლის საღა გუქვს ბინა,
შემდეგ პურის ფულს მარად მოგიტანს,—
მოვემზადებით ჩვენ წინა წინა!

მოხუცი ქალი (სრულიად გამოცვლილი).

გმადლობთ შეილებო, გულ-კეთილებო
რომ დამიამეთ ტანჯული სული;
კარგი საქმეა რომ შევიგნიათ
ბედით განწირულ ძმთ სიყვარული;

(უცბათ თვალუბს ტანჯულებს, ერთ წურტალს მიაქტურდუ-
ბა და ეილას სულ გამოაცვლას).

ჩემი ვახანგი!!!

შვილო, ვმადლობ ღმერთს რომ კიდევ გნახე! —
აი, შეხედეთ!... თქვენთან მოსულა...
გამხდარი კი აქვს ცოტათი სახე!..

(სეუენებას).

აღბად გაწამეს მუხანათ მტრებმა,
სრულად იხმარეს თავისი წესი...

(სეუენებას და გულ-გაშლით მისეუენ მიაწეეს).

მაგრამ ნუ შიშობ... წყლულს დავიამებს
ერთგული დედის ტკბილი, აღერსი,—
ჩამეკარ მკერდში!...

(უნდა ჩვენებას ჩეუენათ, მაგრამ ჰეუენ მისხლტებს და ბირეუენ
დაეუენა. უეუენი მივანდებთან და სეუენ წამთეუენებენ.
მოსხუცი სსსიეუენად ცახეახებს, ხნდახნ ნაწეუენ-ნაწ-
ეუენტად წამთეუენას).

ავერ ვახანგი... ბაღლებსა შიანთ ..
მიდი ელენე .. კიდევ სტირიან...

მგოსანა (გაფითრებულა).

გამაგრდი დედი, ღონე მიეც!
(ამხანაგებს)

იცით, ცივდება... ტუჩნი უთრთიან,
ვიცოდეთ მიინც საბარალოს ბინა!

მეორე მუშა.

ცოტა გრძნობაზე კი უნდა იყოს,—
აბა ჩაჰკითხე შენ ვალენტინა

ვალენტინა (ხმა მადლად).

დედი, სად სცხოვრობ?... რომელ უბანში?
გვითხარ, წაიყვანთ!.

მოხუცი (ნაწეუენ-ნაწეუენტად)

ქა-ლა-ქის... ბო-ლოს...

მგოსანი.

ამხანაგებო, მაშ ეტლი ჩქარა!
შინ წაიყვანოთ ეგ უბედური,

შენ ვალენტინა გაჰყევი თანა,—
აღარ დააკლო გთხოვ სამსახური!
(ერთი მუშა ეტლისათვის კარბის. ცოტა ხნის შემდეგ კა-
რუბში შემოიძახებს.)

მუშა.

ეტლი აქ არის!..

მგოსანი (ამხანაგებს)

მაშ მომეშველეთ!

ფრთხილად მოჰკიდეთ საბარალოს ხელი;
აგრე, ჰო. აგრე,—გულზე მომაცირდნეთ,—
ერთ-თავად მოსხლტა, არ ერჩის წელი!..

(მგოსანა მოსხუცს გულზე მიახუტებს, სხეუბა მაეშეუ-
ლებთან და ეტლში ჩაწეუენს. ვალენტინა და ერთი მუ-
შა ზად შეუენს გეუენთან, დანახეუენა კი ასეუენ სარდალე-
ში დაბრუნდებთან. მდინე ხნის მუშა. შემდეგ ერთი მუ-
შა გაჯარ-გამთარს და თეუენათვის დიდანს ამოჰყვადებს).

მეორე მუშა.

ბედის ქახრაკში გეწურავს სიკვდილი,
აჩრდილათ დავედევს ბასრ ცელ გაწვდილი.
ცა უგრძნობია... მიწა მტარვლი,
თან და თან ჰქრება სიკოცხლის კვალი
ეჰ ჩვენი ყოფის არს ბოლო-მხარე;
მხოლოდ სამარე, მხოლოდ სამარე!

მეოთხე მუშა. (სამღერითეუენ ვადაუქრას).

ბედნიერების თავლები არი
ეგ უბედობა, ცხოვრება მწარი,
მარადისობა იშვის, იწყება.—
სიკოცხლის კოშკი—ბრძოლით იქმნება!
უკვე გვეძახის სხივთა მგზნებარე
აღთქმისა მხარე, აღთქმისა მხარე!

6. ჩიხვამე.

(შეღმევი იქმნება)

ს ა ტ რ ფ ო ს

I.

...დაახ, მე მიინდა შენ გიცქირო, მოგვალოცრო,
ტრფობისა გზნებით, ტრფობის ცეცხლი ვაშუქ-ვა-
კვესო,
სურვილთა ღტოლვით გადავლაბო ბედის სახლვარი
ავსულთა ღმერთებს დავურეკო სიკვდილის ზარი...
ცისა ეთერში შევსრილდე—შევიწავარდო
თან წარგიტაკო გულის მეფე ცხოვრების ვარდო,
ვარსკვლავთ სამეფო დავიმონო, ღაფვარდი ცისა
და მოვახვიო ვარს ბორფირად სხივები მზისა.

II.

როს მწუხრის ეამი გაღმორწება ფრთა ვაშლით
ველათ
ხეთა აჩრდილნი უღებთან სოფელსა მცველათ,

ფროსანთ სილაღე ცაღა ჰკარგავს სევდიან ჰანგსა
 ნახი სიმთ კრთოლვა დააკვდება სიცოცხლის ჩანგსა,
 მაშინ შლილ დაღალთ კავ-კულულებს მსურს მო-
 ვეხვიო
 ვავსცდე—გავშორდე შევ ფიქრთა ზღვას, შევბას ვე-
 წვიო,
 რომ ლტოლვის გზაზე ჩემი რაში არ შეფორხილდეს
 მკაცრ ქარიშხალშიც ვითა ელვა ქროლვითა ვლიდეს.
 შენი მგოსანი არ სწყვეტავდეს სიმთ წკრიალ-ელვრას
 წრფელსა ლოცვებში გამოსთქვამდეს უცხო სიმღე-
 რას,
 თვისსა ლეთაებას, თვის მადონას გიძღვნიდეს ქებას
 და იქარვებდეს მით დამდაგველ ცეცხლისა დებას.

III.

და როს ცისკარი ელვის ისრებს შეათამაშებს
 ბუნების წიაღს გადაღურწევს—შეაქანავებს,
 ტკბილის ნანინით შეაკრთოლებს მშობლიურ არეს
 და მიმოფანტავს—მიმოაბნევს ვარაშს... სიმწარეს.
 მაშინ, ოჰ! მაშინ სულის სწორო, მშვენიებაჲ ქვეყნის,
 სიცოცხლის წყარო და ნაკადო შევბათა დენის,
 მსურს შენსა ახლო განვისვენო და დავიამო
 რომ გულის წყლულის გამკურნაფი ვბოვო მალამო ,
 და თუ შენს რაყიფს არ ამიქცევ საფლსა გზასა
 ოჰ!... გავკვეთ სივრცეს... გადმოვღაზავ ღელვისა
 ზღვასა.

ბ. პელაშვილი.

რწმუნე კენქი!..

რაზე კენქი, რალათ მოსთქვამ, რათ სტირი,
 ნუთუ შენთვის კვალად ტანჯვის ეამია,
 ნუთუ შენთვის უღრანია ცხოვრება,
 ვერ გახარებს ეგ საამო წამია!
 რაზე კენქი, ნუთუ გულის საუწჯე—
 სატრფო შენი—მიაბარეს სამარეს,
 ან, იქნება, ავთა ხარ გრძნობებით,
 მიტომ გხედავ ამრიგად მგლოვიარეს!
 ან, იქნება, მეგობარი დაჰკარგე,
 ან გლაღატობს თავზე ხელ-აღებული,
 ან, იქნება, მოსვენებას არ გაძლევს
 ძე—ბოროტის დამტყპარ-გალაღებული!..
 მარქვი, მარქვი, ნუ მიფარავ ნურაფერს,
 იქნებ შევძლო მგ იარის კურნება,
 იქნებ შევძლო მგ უკულმართ ცხოვრების
 ჩარხის წაღმა ტრიალი და ბრუნება.
 წამიკითხე შენი მცირე დღიური,
 გაღმეშაღე, რაც გაქვს გულში ნადები,
 რომ გავიგო—რა გიტოკებს სულს და გულს.
 შევბა, ფიქრი, ექვება: თუ დარდები.

შენი სახე—მარადის მომკნარე—
 შავი ლაქით შელესილა, აღვსილა;
 თვალთა ბუდე—აქამდისინ მღიმაზე—
 ცრემლების ტბათ გარდაქმნილა, ვავსილა
 და თუ გული—შევ ფიქრთა ტყვეთა და მონა—
 ვინემ შესძლო—შეგოჰა, დაიმონა,
 შეგაყვარა თავი, თვისი სიტურფე,—
 შორით დაგწვა, მოგხიბლა, დავადონა,
 ან თუ სატრფო—სათაყვანო, საქები,
 შავს სუღარას შეუშოსავს შავათა,—
 გებრალემა, ცრემლად დნები, დარდები
 სულში გწვდება, გტანჯავს და გბღის ავთა—
 შემცდარი ხარ.—მერწმუნე, რომ ეს ცრემლი
 ცხოვრების ჩარხს წაღმა ვერ დააბრუნებს,
 ვერ მოგირჩენს გულის მწვავე იარას,
 ვერ დაგატკობს და ვერც შევბას გარგუნებს...
 მაშ, რათ მოსთქვამ, მეგობარო, რათ სტირი,
 რათ გაშინებს მარად ეგ შავი ბედი;
 ნუთუ შენში საღვური აქვს სიღარეს,
 დაწული გაქვს სამომავლო იმედი?..
 თუ ასეა, ვერ იხილავ ნეტარ წამს,
 ვერ იგემებ, ვერ შეიტკობ შევბასა,—
 ტომი ლაზრად მოგისწენებს უბედურს
 და ეგ უფრო გაგიღვივებს ენებას!..

ნუ, ნუ მოსთქვამ, მეგობარო, ნუ სტირი...
 გესმის, ჰიმნი?—დგება სატრფო ეამია!..
 გადალახე ფიქრი, ექვი, სიმხდლოე
 და დაგატკობს „საოცნებო“ წამია.

ლ. დარჩია.



ტარასი ჭახჩაკაძე

(მოთხრობა).

შემოდგომის წვიმიანი ღღე იყო. ქუჩის, სახ-
 ლებს, მიწავალ ხალხს, თითქო ყველას სახეზე რა-
 ლაც უიმეოდოდა და დაღვრემილობა იხატებოდა, ყვე-
 ლას თითქო სახე ჩამოსტრიოსო. სახლის სახურავე-
 ბიდან ჩამონაჟური წვიმის წვეთებიც რალაც ისე
 ტყაბა-ტყუბით ეცემოდენ ტალახში, რომ ადამიანს
 ეგონებოდა უხილავი ძალა კენქის და თავის მღუ-
 ლარე ცრემლებს აფრქვევს ძაძით შემოსილ ღღე-
 მიწასო. თითქოს ქვეყნათ ღმილი გამქრალიყო,
 ყველაფერს სევდის დაღი ესეა, მხოლოდ სევდა გა-
 ბატონებულიყო, მას თავის ძლიერება ყველგან გა-
 მოეჩინა, ყველგან გაისმოდა მისი გულსაკლავი ზუ-
 ზუნის ხმა. ქუჩაში წვიმისაგან თხელი ტალახი ფა-
 ფასავით იღვა. აქა იქ ხანდისხან ვაირახახებდა

გამომხურული ეტლი. კოფოზე წამოძვლარი, ტყავის წამოსასხამში თავიდან ფეხებამდე გახვეული, გაწუწული მეტლე რაც ძალა და ღონე ჰქონდა ერეკებოდა გამხლარ ცხენებს, თითქო უნდოდა გაქცეოდა სევდას, რომ ის არ დასწოდა. ღია ღუქნებიდან დაღვრემილი გამოიყურებოდნენ ღიბიანი ვაჭრები და ზანტათ ამთქნარებდნენ უსაქმობის გამო სევდას იქაც შეედგა ფეხი, ყველა საქონელს რაღაც წვიმის სახე ელო და ისე აღარ იზიდავდა მყიდველს, როგორც წინათ. ვაჭრების სახეზედაც უიმედობა იხატებოდა, ისინი გრძნობდნენ რომ ასეთი სველიანი დღეები სასარგებლო არ იყო მათთვის, ტყუილათ გაიყურებოდნენ ქუჩაში, მყიდველი არ სჩანდა. უსაქმობის გამო ზოგი მათგანი წვიმის წვეთებს ითვისდა და გულს აყოლებდა. ტრამეის ვაგონებში ზანტათ მიდი მოდიოდნენ, იქაც სევდას დაეჭირა ალაგი. ყოველ ვაგონის ხმაურობაზე ვაჭრები თავს წამოყოფდნენ და ყველა თვალები იქითკენ ზიანტერდებოდა, ყველა რაღაცას ელოდა. ხან გამოშვებით ცივი ქარი გლოვის ხმით ჩაუღლიდებოდა სახლებს, ღუქნის ღია კარებში შეიჭრებოდა, აქა იქ ჩამოკიდებულ ნივთებს შეაბროწიალებდა და ცივით ეამბორებოდა დაღვრემილ ვაჭარს, ცივით დაუვლიდა ტანში. ქარი კიდევ უფრო მწუხარებაში აგდებდა ყველაფერს, ყველა კუნძულებში სევდა შეჰქონდა.

იქნებოდა დილის ცხრა საათი, როდესაც წვიმისაგან დასველებულ, ისედაც მრისხანე კედლებიან საგუმბერნო სატუსალოს ალაყაფის კარებს თოფიანი ორი სალდათი მიადგა. სევდას მათ სველ ფარაჯებშიაც ჩაექსოვა თავისი შხამნადველი. ჩატალახინანებული წადები, წვიმისაგან ყურებს ჩამოფლართული ქუდები და სველი თოფები ორივეს ძალზე აწუხებდა და გულზე ჰკბენდა, მაგრამ არც ერთი შეეძლოთ მოეშორებიათ და არც მეროც. მათ, სახეზე სევდას გარდა სხვა კიდევ რაღაც ტანჯვის ბეჭედი ესვა. ყოველივე მათ მოძრაობაში, ყოველ ხელის გაქნევაში რაღაც ძალ დატანება და უკმაყოფილება იხატება. სალდათები ცოტა ხანს შეჩერდნენ კარებთან- ერთმა მათგანმა თავისი ფართე, გლახური ხელით უკმაყოფილოთ ცხვირი მოიხოცა და სველი ფარაჯის სახელოთი გაიწმინდა. ორივეს ეტყობოდა, რომ ლოდინი არ იყო მათთვის სასიამოვნო. რამდენიმე წუთის შემდეგ ალაყაფის კარების გამოსაჭერეს ვიღაცამ ფიცარი გასწია და ორი ცნობის მოყვარე თვალი გამოიჭიკიტა. რა დინახა სალდათები, საჩქაროთ კარები გაიღო. ეს იყო ციხის მორაიბი ზედამხედველი. სალდათები შევიდნენ სატუსალოში.

ნახევარი საათის შემდეგ ალაყაფის კარები ისევ გაიღო. სალდათებმა გამოიყვანეს ახალგაზდა, ფერმკრთალი, კაცი.

ეს იყო ტრასი ქაზრაქაძე, სინოდალურ კანტორის ყოფილი მოხელე დღეს ის მიჰყავდათ საოლქო სასამართლოში გასამართლებდით. მის აბრალელებდნენ სიყალბის ჩადენას. სალდათები ტრასისთან ერთათ მძიმე ნაბიჯით გაუდგნენ ტალახიან ქუჩას.

მთელი ორმოცი წლის განმავლობაში ერთი დღეც არ გამოტყვია ისეთი, რომ ვინმეს ტრასისთვის მიესწრო სამსახურში. ყოველდღე, საღამოობით, მორჩებოდა თუ არა საქმეს ტრასი ადრინათ ჩაწევბოდა, იქვე სასთუმალს, სკამზე დაილაგებდა პორტფელს და საქირთა ქაღალდებს, რომ დილა ადრინათ მზათ ქონებოდა ყველაფერი. ირაქრაქებდა თუ არა, ტრასი ლოგინზე წამოძვლარი იყო, ერთს ლაზათიანათ დაამთქნარებდა, თვალებს ამოიფუნეტდა და საჩქაროთ დაიწყებდა ტანზე ჩაცმას. საზოგადოთ ტრასიმ ძლიერ ჩქარა იცოდა პირის დაბანა და ტანზე ჩაცმა. დიასახლისიც, ჩვეულებისამებრ ადრე მიაართმევდა ჩაის, ტრასი დაივარცხნიდა ლამაზათ თმებს, გაიწმინდა ჩოთქით თავის შეხუნებულ კოსტიუმს, გადიწვრდა პიჯეკს და მიუჯდებოდა ჩაის. ჩაის სმაშიც მეტათ სწრაფი იყო ტრასი, რაც უნდა ცხელი ჩაი ყოფილიყო ორსამ წუთში ხელად გადაუტახებდა კუჭში, რაღაც ისეთ ნაირათ იცოდა ჩაის დაღევა, რომ გარეშე მაყურებელს ასე ეგონებოდა კბილებს სულ არ აკარებს ისე პირდაპირ ყველში ისხამსო. ორი ქიქის მეტს თავის დღეში არ დალევდა, ხოლო არც ნაკლებს. ტრასის ყველაფერში სასტიკი დისციპლინა უყვარდა. ერთი რამ რომ სხვაფერე გაეკეთებია, იმ დღეს ფრიალ ნერვებამილი იყო. ისეთ უბრალო რამესაც კი აქცევდა ყურადღებას, როგორც ლოგინიდან ადგომა. ტრასის ჩვეულებათ ჰქონდა უთუოდ მარჯვენა ფეხი უნდა გადმოეფა პირველად, თუ ოდესმე მოხდებოდა და მარჯვენის მაგიერ მარცხენას გადმოადგამდა იმ დღეს ის თავის ქუჯაზე აღარ იყო, ვეღარც საქმეს აკეთებდა რიგიანათ, შეცთომებს უშვებდა, ვეღარც თავის დროზე მოდიოდა სახლში, სადილსაც უგემურათ სჭამდა, ერთი სიტყვით ეს დღე მისთვის რაღაც არა ჩვეულებრივი დღე იყო, ასეთი დღეები წელიწადში ათიოდღე გამოარეოდა და მუდამ წითელი ყარანდამით ჰქონდა ტრასის აღნიშნული კალენდრის ფურცლებზე.

ადგებოდა თუ არა ტრასი, უპირველეს ყოვლისა თავისი ქრელი საბანი უნდა გაეფერთხა, შემდეგ ხელს გადაუსვამდა ზეწარს, დააგებდა, საბანს,

რამდენჯერმე შეანჯღრევდა ბალოშს და დალაგებდა. ტარასის ოთახში ყველაფერს წეს-რიგი და დისციპლინა ეტყობოდა. ოთახის შუა კედელთან მიღგმული ჰქონდა პატარა ხის ტახტი, ეს ტახტი ორვერცხლის მინათით იყიდა ტარასიმ ბაზარში. თითქმის სამი წელიწადი გავიდა რაც ტახტი იყიდა, მაგრამ დისკიპლინისა და კარგი მოვლის გამო თითქმის არაფერი ეტყობოდა, ასე გეგონებოდათ ეხლა უყვლიათ. რადგან ოთახში ბაღლინჯოებს დაებუდებიათ ტარასი კვირაში ორხელ გამოიტანდა თავის ტახტს, დაათვალიერებდა ყოველივე კუნჭულს, თუ სადმე ბაღლინჯოხ ნახავდა იქ ნათეს ჩაასპაიდა. ლოგინს მზეს გაუფენდა და საღამოზე ისევ დალაგებდა მხოლოდ ერთი ახირებული ზნე დასჩემდა ტარასის ტახტს, ერთი წლის შემდეგ რაღაც ხრინწიანი ხმა აუშვა და ბოლოს და ბოლოს ისეთი კრიალი დიწყო, რომ ხანდისხან სიგეიქმდე მიჰყავდა ტარასი. ერთ ღამეს ისე აეშალა ნერვები, რომ შუაღამეზე წამოვიარდა. დასტაცა ხელი და უნდა დაემტვრია, მაგრამ ჩქარა გონს მოვიდა. „შენ ხომ საყვარელი ტახტი ხარ, მე თუ მაქვს ლაპარაკის ნება, შენც ვაქვს, იმდერე გენაცვალე“ ჩუმით ჩაილაპარაკა ტარასიმ, ერთი ნახათ გადაუსვა ხელი თავის ჭრიალ ტახტს, დაავო ლოგინი და ჩაწვა. ბოლოს და ბოლოს ისე შეეჩვია ტარასი თავის ტახტის ჭრიალს, რომ როცა სინესტისა, თუ სხვა რამეს გამო დაწოლის დროს ის არ გაიჭრიალებდა, ტარასი რამდენჯერმე მაგრათ გაქანებოდა და ხმას ამოაღებინებდა, მხოლოდ მერმე ჩიბინებდა ტკბილათ თუ ტარასი შეეჩვია თავის ტახტის ჭრიალს, სამაგიეროთ ნერვები აეშალა მის დიასახლისს. ის ის იქვე გვერდით მეორი ოთახში იძინებდა და არა ერთხელ და ორხელ შეუკრთხებია ტარასისთვის. ხანდისხან, შუაღამეზე, როცა დაღლილ დიასახლის ტკბილად ეძინა, მიძინარე ტარასი შეინძროდა, გაიწვიდა, ფეხებს და ისეთ მუზიკას დააკვრეინებდა, თავის ტახტს რომ მთელ სახლში ქიანურილით გაიწმოდა. საბარლო დიასახლისი თვალზე დააქექტდა და ისე გაურტყდებოდა ძილი, რომ ორ სამ საათს ტრიალებდა ლოგინში. რასაკვირველია ამ დროს სასტიკათ სწყველიდა ის ტარასის ტარასი კი ტკბილათ ხერინავდა. სამედნიეროთ დილით, დიასახლისი ტარასიზე აღრე დგებოდა, თორემ გააფთებდა ტარასის ტახტის მუზიკა.

ერთი დაბალი, პატარა ოთახი ეჭირა ტარასის, თვეში სულ ხუთმეტ მანეთს აძლევდა სასმელ საჭმელში და ოთახში. ერთ კუთხეში ედგა პატარა მაგიდა, ზედ საწერ-კალამი და რამდენიმე წიგნი ელაგა, წიგნები უმთავრესათ უწნებელი შინაარ-

სის იყო, რუსული ყურნალი „ნივა“-ს დამატებები, ორი ძველი ვაზეთი, ქართულ რუსული ლექსიკონი, სამღვთო სჯულის ისტორია და სხვა, ორი სკამი, კუთხეში გაკეთებული პატარა დამტვერიანებული ხატი, ჭრიალა ტახტი და დაქანებული პირისპანი, სულ ეს შეადგენდა ტარასის ოთახის მორთულობას სცხოვრობდა ქალაქის განაპირა, რადგან შუაგულ ქალაქში ცხოვრების ნებას არ აძლევდა მისი მცირე ჯამაგირი, და არც უყვარდა მაინც და მაინც ხმაურობა და მოუსვენარი ცხოვრება. უფერული დღეები სულ ერთგვართ მიმდინარეობდნენ ტარასის ცხოვრებაში, ძნელათ გამოერგოდა წელიწადში ერთი ორი დღე, რომ რაღაც შემთხვევით გადაეხვია ყოველ დღიურ პროგრამისთვის. ასეთ დღეებში ტარასი თავის ქვუაზე აღარ იყო, საშინლათ აეშლებოდა ნერვები, აღარც საჭმელს ჰქონდა გემო და აღარც ძილს, ყველაფერში ხელი ეშლებოდა. ასეთი დღეები იყო, როდესაც რაღაც შემთხვევით ვინმე თეატრში წაიყვანდა ტარასის, ან სტუმარი ესტუმრებოდა—უნდა გენახათ ტარასის უბედურობა როდესაც ვინმე ნათესავი ესტუმრებოდა სოფლიდან და ღამე დარჩებოდა მასთან. აბა მაშინ იყო მისი უბედულება. რადგან ერთი ტახტის მეტი არ ქონდა, ძალაუნებურად იტაკებ უნდა დაწოლილიყო და ტახტი სტუმრისთვის დაეთმო, მთელი ღამე თეთრათ გაათენებდა. ეხლა დილით სტუმრისთვის უნდა ეცადა სანამ ადგებოდა, მასთან ერთად უნდა მისხდომოდა სუფრას და ჩაი დაეცო. სამსახურშიც დაავიანდებოდა ხოლმე და საშინლათ ნერვებ აშლილი მიბრბოდა ერთფეროვან ცხოვრებას ისე შეეჩვია ტარასი, რომ მოგველათ ის ერჩინა ვიდრე ამ ცხოვრებას დაურღვევდით. დილით აღრე მიდიოდა სამსახურში. მობრუნდებოდა სწორათ ნაშუადღევის ოთახის ნახევარზე არც მეტი და არც ნაკლები, ძნელათ რომ ამაზე გვიან ან აღრე მოსულიყო, შესქამდა სადილს, ერთ ნახევარ საათს სადილს შემდეგ, კიდევ იჯდა სუფრასთან ჩაფიქრებული, თან წელის ხმით ღიღინებდა, შემდეგ წამოდგებოდა ხელს დაიბანდა, ტანისამოსე ჩოქის გიწვამდა რამდენჯერმე გადაფრთხდა თავის საყვარელ ლოგინს და წამოწვებოდა. ასე იწვა ორი საათი და ხან მეტი, თვალებით უზაროთ ქერს მიაშტერებდა, რას ფიქრობდა ამ დროს ტარასი, რომ გვეითხათ პასუხს ვერ მოგვემდით, ეს არც თვითონ იცოდა. მის თავში, როგორც კალეიდესკოპში ათასგვარი ფიქრები ირეოდა რას არ ფიქრობდა საბარლო ტარასი, თითქოს ის მიდის ქუჩაში, უცბათ მოსახვევში იპოვნა ფულით გატენილი ქისა, დასტაცა ხელი და გამოქანდა შინ მაგრათ დაკეტა ოთახის კარები,

ლობაში ტარასიმ სავესებით შეიგნო და შეითვისა იმ უხილაგი ძალის თვისება, რომელიც იქაურ გაცვეთი და უფულო მოხელეებს ფულიანებათ ხდიდა. ტარასიმ მალე შეიგნო ქრთამის სიტკობება და სავესებით, სინდისს დამშვეილებული დაეწაფა მას. საზოგადოთ ასეთი ჩვეულები იყო ამ კანკელირიაში. შეუტკობოდა თუ არა ფეხი ვინმე გარეშეს აქეთ იქით მსხდომი მოხელეები, მივიდოდა თუ არა საქმისთვის ჯერ დაიწყებდა ლაპარაკს, გააძნელებდა საქმეს, შემდეგ, თუმც პირდაპირ, არა, მაგრამ ნათლათ აგრძობინებდა მოხოვნელს, რომ ფული უნდოდა მოხოვნელიც ჩუმათ აცოცებდა ხელში რამდენიც შეეძლო, ხუ ათი, ოცი, მხოლოდ სამ მანეთზე ნაკლები კი არა. ხშირათ მოხდებოდა, რომ ტარასი ორ მოწინააღმდეგე მხარედან იღებდა ქრთამს ორივეს ეგონა საქმეს უკეთებდა, მაგრამ ნამდვილათ კი არც ერთს. ერთი ახირებული ჩვეულება ჰქონდა ტარასის, წერის დროს, ხშირათ თვალეები გაუშტერდა და სალოკი თითით ცხვირს იწმენდა, ცხვირიდან გამოდებულ თითს ტუჩებზე მიიდებდა და შემდეგ ისევ ცხვირში შეჰქონდა, ასე აცანცარებდა ხელს, მანამდე, სანამ ვინმე არ გამოიყვანდა ამ მდგომარეობიდან. ეს ძლიერ არ მოსწონდათ როგორც მოსამსახურეებს, ის მოხოვნელებს, მაგრამ ვერას გზით ვერ მოიშალა. უცხო ვინმეს ისე აცნობდნენ: აი ცხვირში რომ თითი აქვს იმ კაცთან მიდიო და ყველა ადვილად გაიკებდა.

ოცდა ათი წლის განმავლობაში ტარასიმ ორი დიდი შეტდომა დაუშვა, რამაც ღრმა, წაუშლელი კვალი დასტოვა მის ცხოვრებაში: ერთი—უიმედო სიყვარული, რაც დიდის სულდგმულობით გადიტანა მან და მეორე—სიყაღბის ჩადენა, რისთვისაც პასუხის გებაში მისცეს და ადგილიდან დაითხოვეს.

საზოგადოთ ტარასი მეტათ მორცხვი და თავდაქერილი კაცი იყო, უმეტესათ ქალებთან. როცა ქალების საზოგადოებაში მოხვედებოდა, რაც არ იყო ხშირი, ტარასის თითქო ენა ერთმეოდა, ხან წითლდებოდა და ხან ყვითლდებოდა, მორცხვი პატარძალივით. როცა სხვა ახალგაზრდა ქალ-ვაჟნი მხიარულობდნენ და ათავგავრ ქათინაურებს სტუკორცნიდნენ ერთი მეორეს, ტარასი განწუმებული იჯდა და მხოლოდ ხანდახან გაიღიმებოდა თავისთვის სიამოვნების ნიშნათ. ტარასი მხოლოდ თავის ლოგინზე გაწოლილი ეძლეოდა ნეტარებას; ოცნებით სტკებოდა, ოცნებით ეალერსებოდა ამა თუ იმ ლამაზ ქალს. ასე მიდიოდა დღეები. შეიძლება მის ცხოვრებაში არავითარი ცვლილება არ მომხდარიყო, რომ ერთ უბრალო შემთხვევას არ დაებნია მისთვის დავთარი და მისი ცხოვრება არ აფფორიაქებია.

ტარასის აწემებული ჰქონდა ერთი ქუჩა, თავი რომ მოგეჭრათ სხვა ქუჩით არ წავიდოდა სამსახურში. ერთ ორშაბათ დილით, ტარასი ჩვეულებრივათ აღრე წავიდა სამსახურში. მიდიოდა ერთი მხრით ქვაფენილზე. ჩვეულება ჰქონდა არც იქით მიიხედავდა და არც აქეთ ისე განქარებით მიდიოდა. ამ დღეს, გაუსწორდა თუ არა ერთ ორ სართულიან სახლს; რაღაც უხილაგმა ძალამ თავი ააღებინა, ეხლაც ვერ გამორკვეულა ტარასი რატომ მოხდა ეს. რა ეშმაკი და ქაჯი იყო, რომ გაახედა. ტარასიმ ქვედა სართულის ერთ სარკმელს შეხედა და გაქავა. გაღებულ სარკმელში ნახევრათ ვადმოწოლილიყო მშვენიერი ასული, ახლათ დავარცხნილი, სველი თმა მხრებზე გადმოფენილი, საკინძი გახსნილი ჰქონდა და იქიდან მოსჩანდა მისი ბრალოვით თეთრი კისერი. ლამაზმა გოგომ რაღაც ისე სიყვარულით გაუღიმა ტარასის, რომ მას რეტი დაესხა, კინალამ წაიქცა. მან ნაბიჯს მოუჩქარა და თუმც თავს იმაგრებდა, მაგრამ ერთხელ კიდევ მოიხედა, გულზე ისევ ის ღიმილი მოხვდა ლახვარივით. ამ დღეს ტარასი აღარ იყო თავის ქუჩაზე, ვეღარც პასუხს აძლევდა ვერავის და ვერც საქმეს აკეთებდა. ყველანი გოაცებულნი იყვნენ და ვერ გამოერკვიათ რა მოხდა, რა მოუვიდა. ბოლოს გადასწყვეტეს რომ ტარასი ავით იყო და სიტყვ ჰქონდა და სახლში დაითხოვა უფროსმა. ის დარეტიანებული მივიდა შინ, ვეღარც საქმელი სჭამა და ისე დაეგდო ლოგინზე, მთელი დღე იწვა პირ აღმა და თვალ წინ მხოლოდ მშვენიერი არსების მოღიმაზე სახე ედგა. ამ დღიდან დაიარღვა ტარასის მყუდრო ცხოვრება.

ირეთელი.

(დასასრული იქნება).

ნ ა ტ ვ რ ა.

ახ, რომ შემეძლოს გარდავიქვე ცქვიტსა ნიავით, სულის სილაღეც, მსწრაფლს გამოვსწვე შენსკენ
სრბოლითა,
გიშრის კულულებს გადავიარცხნი სათუთათ, ნაზათ,
ბროლ ფიქალ ყელზე მოგებევეი ცახცახ-თართოლითა.

ახ, რომ გარდავიქვე ფირუზ ზეცის წმინდა ნამცვრებათ
ვარდის ბუჩქებზე მოგფერქვევი წრფელი კრთოლითა,
შენს გიშრის თვალთგან ჩაისრული ტრფობის სხივებით
ზედ დავაკვებე ნეტარების კანკალ-ქრკოლითა.

ახ, რომ გარდგიტეც ფროსანთ მეფე მგოსან
ბულბულაო
შენს სარკმლის წინ ყვაილით ბუქქში ჩავსაფრე-
ბლი,
ხან დაუსტვენდი უცხო ლექსებს ძილის პირულათ,
ხანაც აღბტაცის კრიმანჭულით ავჩამდებოდი.

ახ, რომ გარდგიტეც... მაგრამ ნატერა ნატვრათვე
რჩება...
კვლავ ძველებურათ ცხრა მითთა ვარ დაშორებუ-
ლი,
უშენობითა სული კენისის... გული ღონდება...
და ცრემლთა ტბაში მიმოცურავ აჩქურებული.
დ. თურდოხპარელი.



ბედშავი დღე

(ამბავა გურაის ცსაფრებდან).
(დასასრული. იხ. «სალ.» № 9.)

II

კვირა დღე იყო. სოფლის სასამართლოს ეხო-
ში კანტი კუნტათ თავს იყრიდენ გლეხები. აქა იქ
ჯგუფუ ჯგუფათ შეყრილიყვენ, სხვების მოლო-
დინში ყალიონს აბოლებდენ და ბჭობდენ სხვა და
სხვა დღურ ქირ-ვარამის შესახებ. ამ დღეს დანი-
შნული იყო სოფლის ყრილობა. უნდა მობრძანე-
ბულიყო ბოქაული. შუადღეზე უკვე გადავიდა, არც
ბოქაული სჩანდა და არც ხალხი იყრიდა თავს. მო-
სულ გლეხებს მოუთმენლობა დაეტყო. აქა-იქ სა
ყვედურიც გაისმა, არ-გასულა ღილი ხანი, რომ
ცხენების თქარა-თქურით მოიქცა ბოქაული თავის
დარაჯებით. წამოწითლებული სახე ამტკიცებდა,
რომ სადღაც სამიკიტნოში ღაზათიანათ გადაეკრა.
სწრაფათ ვადმოხტა ცხენიდან, ავიდა სასამართლოს
აივანზე, ვადმოადგა ხალხს და მრისხანეთ დიყვი
რა:

— სად არის ყრილობა?—ყრილობა სად არის
მეთქი? არავინ ხმას არ იღებდა. ბოლოს ისევ ონი-
სიმეს მეზობელმა, პეტრე ღარიბაძემ, დაარღვია სი-
ჩუმე:

— ა ბატონო ყრილობა! ამა რა არის დილას
აქეთ აქ... პეტრემ უკანასკნელი სიტყვები ვეღარ
დაათავა, რომ ბოქაული აივნიდან ვადმოფრინდა,
სახეში მათრახი სთხლიშა და პეტრეს თოვლივით
თეთრი წვერები სისხლში შეღება..

— რას ერჩით, ბატონო, მაგ საწყალო მოხუცს?
—ვეღარ მოითმინა ონისიმემ. სხვები კი ისე სდუმ-
დენ თითქოს აქ არაფერიყო ბოქაულმა ონისიმეს

ვეღარ დაბრტყა, რამაც ყველა გააოცა; მხოლოთ
ბრძანება ვასცა პეტრეც და ონისიმეც დაეტუსა-
ლებიათ. რაც მაშინვე ასრულებულ იქმნა. ამის
შემდეგ ბოქაულმა მწერალს ვადაყ თხვინა ხალხის
სია და ვინც ყრილობიდან წასულიყო, ან ვერ მო-
ვიდა რაიმე მრზეეს გამო ყველა თითო მანეთით
დააჯარიმა ბოლოს გიმოუცხადა ხალხს:

— ამ დღებში აქ გაუფლია ავაზაკს, გესმით
ავაზაკს. თუ იგი არ დამიჭირეთ და არ მომაყვანეთ
ეგზეკუციას ჩამოგყენებთ. თქვენ კიდევ არ იშლით
„ახალ თაობას“! მე თქვენ გირჩენებთ თქვენ მამაძ...
მათრახით დამეტურა ხალხს ბოქაული და მოახტა
ცხენს—მაგი ბუნტოვნიკები (ონისიმე და პეტრე)
უჩასტაში მომგვარეთ ბრძანა და გაქუსლია.

ბოქაულმა მკორე დღეს პეტრე და ონისიმე
დარაჯების თანხლებით მაზრის უფროსს გაუგზავნა
და თან სთხოვა: როგორც მთავრობის მოწინააღმ-
დეგენი, სასტიკათ დავსაჯა. რაპორტის ტექსტი
მწერალმა ქვეშევეშაძემ შეადგინა...

კარგი დახმარებით, როგორც იყო ონისიმე
გადასახლებას ვადარჩა, ხოლო პეტრეს კი მაზრის
უფროსმა აპატია დანაშაულობა და ერთი კვირის
შემდეგ ვანთავისუფლა.

ყველა ამან და მასთან ცხოვრების ეკონომი
ურმა პირობებმა, აიძულა ონისიმე მოშორებოდა
სოფელს. მას სურვილი აუსრულდა და სამთუნინა-
ნი ალაგი იშოვნა დანეტორ ფხიანძის ხე-
ტყის ქარხანაში. ასე დაიწყო ონისიმეს ცხოვრება.

III

თავადა ნესტორ ფხიანიძემ სადღურ ქაობე-
თის მახლობლათ ვაყეთა თავისი ქარხანა. წინათ
აქ ვაუვალი ტყე იყო, სადაც მხოლოთ ბუდობ-
დნენ ვარეული ღორები და ხხვა ნადირები. ადამიან-
ნი ძნელათ თუ ვაივლიდა და ისიც სანადიროთ.
ეხლა აი ამ ვაუვალ ადგილს სიციკსლე სდულდა
და ვადაუღდა. ღრანტე ტყიდან წამ და უწუმ
ისმოდა ცულების და წაქცეულ ხეების ხმა. ქარხა-
ნაში ხხვა და ხხვა მანქანებს რახრახი ვაუღლიათ.
ლუკმა პურისთვის ვადმოხვეწილი ადამიანები შე-
უსვენებლათ მუშაობდენ. ზოგი ხერხავდა, ზოგს
დახერხილი ფიტები ვაქჰონდა, ზოგს მოჭრილი ხე
ვამოჭონდა ტყიდან. შრომაობდნენ ადამიანები და
თავიანთ სიმშრის ოფლს აწვეთებდნენ თავალ ნეს-
ტორის ქარხანაში.

აი, ამ ქარხანაში იშოვა ონისიმემ ალაგი.
ქვეიანი, ზრდილობიანი, და მასთან ვამბედავი
სიტყვა-პასუხიანი ონისიმე, თ-დ ფხიანიძეს ძა-
ლიან მოეწონა. მას არ უყვარდა ზოგიერთ თავა-
დებივით კარტ-ნარდის თამაში, ლოთობა და არში-

ყოფა. თუმცა ახალ გაზრდაში ისიც ზოგიერთ-ბივით მუქთა მქამლოა, აყალ-მყალის მოყვარული კარტოუნები „კნიაზი“ იყო და რაგორც ასეთი ღარიბულათაც ცხოვრობდა, მაგრამ ქვეიანმა ცოლმა ის სულ სხვა გზაზე დააყენა და წაღმა დააბრუნა მისი ცხოვრების ბორბალი.

თავადის ცოლი ქვეიანი და შეგნებული ქალი იყო. მას არ მოსწონდა თავის ქმრის ფუჭსაყვარი ცხოვრება და მოთმინებლიდ გამოსულმა ერთ დღეს კატეგორიულათ გამოუცხადა, რომ თავს დაანებებდა, თუ სხვა ცხოვრებას მოჰკიდებდა ხელს. ნესტორმა აღუთქვა ცოლს დაინებებდა თავს ძველ ადათ ჩვეულებას. ერთხან ვითომ თავს იმაგრებდა, მაგრამ ბოლოს ისევ მიჰყა ხელი. ეს კი ვერაზ მოითმინა ცოლმა, დიხბარა მშობლები და ის იყო უნდა გაყროდა ქმარს, რომ ნესტორ ფხიანიძემ უკანასკნელათ შეფიცა აასრულებდა მის სიტყვას და ხმალ-ხანჯალიც მას გადასცა.

იმ დლიდან ის აწყებს ნამდვილ ცხოვრებას, ის არ თაკლობდა ყანაში თოხით მუშაობს, ურმის გაყოლას, მვეინახეობას და სხვ ერთხელ ასეთი შემთხვევაც იყო: თ-ს მქალი შემოაკლდა და არა ვინ არ ასესხა.—გემუშავა და გექნებოდაო,—უბასუხეს მას. ნესტორმა გადასწყვიტა როგორათაც დასჯდომოდა გამდიდრებულოყო, მარა ყანის მუშაობით რომ გამდიდრება არ შეიძლებოდა, ისიც კარგათ იცოდა. მარტო თავისი შრომით, რომ ვინმე გამდიდრებულოყო, ეხლა ყველა ჩემი მეზობლები მდიდრები იქნებოდაო,—ამბობდა თავადი. ის ცდილობდა რამე საიჯარადრო საქმე აეღო. სურვილიც აუხრულდა. აილო მოსაკენქათ რამდენიმე ვერსი გზა, სადაც მის ხარებს ვარდა, ათ ურებს კიდევ სხვას ამუშავებდა. რამდენიმე თვის განმავლობაში აქ საკმაო მოსავლები ნახა. შემდეგ ბოქვის ხეების მოიჯარადრობას მოჰკიდა ხელი და ორ სამ წელიწადს ამას მუშაობდა. დაახლოვა ცოლის ნამ ზითვი სახლი და დასწავა, აქედან რამოდენიმე ათასი მანეთი ჩაიჯობა. ააგო ქალაქში სახლები, გააშენა ვენახები, გაიჩინა კრედიტი ბანკებში, იყდა ტყეები, გამართა შიგ ხერხის მანქანა სადაც ასი ათასი მანეთის კაპიტალი დახარჯა მისი თუ სხვისი მარა ამ ოთხი ხუთი წლის მუშაობით, თავნი თითქმის ამოიგო. ამწარიად, გუშინდელი მოქვიფე თავადი დღეს კაპიტალისტათა სიაში ჩაეწერა.

თ. ფხიანიძე ისე ვაიტაცა გამდიდრების სურვილმა, რომ დღემლი ძმაკი არ დაინდო და ვალში უკანასკნალი მამული აღუწერა და საჯარო ვაჭრობით უყიდა... ვერ ვასტკრა ვერავითარმა ხვეწნამულდარამ... ამ დროს შიგ სამჯავროში, აღელვებულ-

მა ძმამ, რვეოლვერი დაახლო მას! მარა თდი სიკვდილის გადარჩა, რადგანაც ის მსუბუქათ დიქრა.

ამ რვათ, მისი კაპიტალი, ზედმეტი შრომის მითვისებით ნელ-ნელა იზრდებოდა.

ეს თავადმაც კარგათ იცოდა და ამიტომ მუშას დაქირავების დროს ძალიანს არჩევდა. მოხუცს ან მეტის მეტ ახალგაზრდას ის სამუშაოთ არ მიიღებდა. თუ რომელიმე მუშის მუშაობა არ მოეწონებოდა ან სისუსტეს და ავადმყოფობას შესწამებდა მაშინვე გაუშვებდა. რადგანაც იცოდა ასეთი მუშა ზედმეტ ღირებულებას ვერ შექმნიდა, ანუ იმაზე მეტს ვერ გააკეთებდა რასაც თითონ წაიღებდა.

— ბიჭო! შენ ვინ დაგაყენა აქ? — მიმართო ერთხელ მას ერთ ჩაფლეთილ მუშას, რომელიც ქარხნიდან ნაკიდურა ფიცრებს უჭიდებოდა.

— თქვენმა მოურავმა ბატონო - მიუგო მუშამ. თავადმა მაშინვე სვისტოკი დაუტრა. ის მოსამსახურებს ყოველთვის სვისტოკით უძახოდა. მოურავიც მოვიდა.

— აი ბიჭი შენ დააყენე?

— დიახ.

— მერე რატომ?

— იმუშავებს მადლია, ხომ ხედავთ როგორ ჩაღლეთილი!

— შენ სულელიო მაგი ჩაღლეთილი მიტომ არის, რომ გლახაა, ჩობანოა... მაგი, სოფელში ჩემს მეზობლათ დვას. სხვები რომ ყანას თოხავს მაშინ მაგი თესვას. არ ვარგა ძმაო არა, გაუშვი ეხლავეო.—მოურავმა მუშას ანგარიში გაუსწორა.

— რა ამბავია კნიაზო ამდენს, რომ გვაგამუშავებთ და ასე ცოტა ქირას გვაძლევთ, ახალთაობა რომ იყო მაშინ ხომ რვაი საათის მეტს ვერ გვაგამუშავებდით და ქირაც მეტი გვექონდაო — უთხრა ერთხელ ერთმა სხვაზე უფრო გამბედავმა, მუშამ, რომელიმაც იცოდა რომ მას გაბედული ლაპარაკი არ ეწყებოდა.

— ეს იმის ბრალია ჩემო ბიძა, რომ თქვენ ახალთაობა ვერ შეიხმარეთ. ვინ გვიგონა თქვენი ახალთაობა და თავისუფლება „მუტაკიე“ ყაძახების ყველა ერთი მეორის მტერი და მოღალატე ხართ. თანხმობა თქვენში არაა და არაფერი. სულელებია ისინი თქვენი გულიზა, რომ ციხეებში ლტებთან და ცივ ქვეყნებში მიდიან. თქვენს თავში კიდევ დიდხანს არაფერი არ შევა. თქვენ ახლთაობის ღირსი არა ხართ გქონდათ და ვერ შეიხმარეთ. რა თქმუნდა თქვენ, რომ რვაი საათის მეტი იმუშაოთ მე არაფერი არ შემიძლია, მარა რაკი თქვენში ერთობა არ არის, მე ხომ გიყი არა ვარ არ ვისარგებლო თქვენი უთანხმოებით. თქვენ ხომ გინდათ ცოტა

იმუშაოთ და ბევრი შრომის ქირა აიღოთ? მე კი მინდა ბევრი გაიშუაოთ და ცოტა შრომის ქირა მოგკეთ, რაც მართალია მართალიაო — დაუფარავათ ეუბნებოდა ფხიანძე თავის მუშებს.

ერთხელ ასეთი შემთხვევა იყო: ერთმა მუშამ მოკრიბლ ხეს ვერ გაასწრო და წელზე დაეცა. — „ვაიმე შეიღებოვო“ ძლივს მოასწრო სამბრალომ და სული დალია. ამ დროს თავად ქარხანაში იყო და მუშის სიკვდილი მოახსენეს.

— აკი ვამბობ სულელები ხართ მეთქი — უკმაყოფილოთ სთქვა თავადმა როგორ არ იცით წასაქცევ ხის ძირში გაჩერება, რომ არ შეიძლება! მუშაობა არ შეაჩეროთ, ყოლავე დაიქირავეთ მეგობერი მუშა! ვაგზალში ყრილარიენ რამდენიც გინდა — უთხრა მან მოურავს და სადგურში წავიდა.

ნახევარი საათის შემდეგ აღდარდელ თავადს მატარებელი პირველი კლასით თფილისისაკენ მიექროლებდა, ხოლო მისი მუშა კი, რომელიც ხემ გაქცილია, ერთ მის მეზობელს ურმით მიქონდა სახლში თავის წვირილ ცოლშვილთან...

ცნობილ ქარხანაში ონისიმე სამი წელიწადი გაატარა. ამ ხნის განმავლობაში გამუდმებულმა შრომამ, ქაობიან აღავას ზმთარ-ზაფხულ ცხოვრებამ და ცუდმა საქმელ-სასმელმა მას თავისი დაღი დასვა.

— გაწყენს ამდენი შრომა, აწი პაწი, რომ შეისვენო აფერი გვიქირსო — ეუბნებოდა მარო ონისიმეს, როცა ხანდისხან თვეში ერთხელ კვირაობით ამოირბენდა და ოჯახს დახედავდა, სახარჯო ფულს დატოვებდა განკარგულებას მოახსენებდა და ისევ ქარხანაში მიეჭქარებოდა.

— ცოტა ხანს კიდევ მევიცით, უკეთესი ალაგის შოვნა ძნელია. ერთი იმ ბიჭმა კლასი გაათათს ბარემ და მერე რაც იქნება არ ვჩივი. მეც დამალა ამდენმა მოუსვენარმა შრომამო — მიუბუბდა ცოლს ონისიმე.

სულ ათი დღის წარსული არ იყო ონისიმე, ავთომყოფი შემოხლუნებმა, რომ სახლში მოიყვანეს. ის მუშაობის შემდეგ ერთ ბედშვად დღეს ნაოფლარზე, უცეცხლო „კონახში“ დაწოლილიყო და გაკეთებულიყო ონისიმემ თავს არ დაუჯერა და მეორე დღესაც იმუშავა, რამაც კიდევ უარესი გავლენა იქონია მის დასუსტებულ ფილტვებზე, სიცხე მისცა და ზოდვა დააწყებინა მეზობლებმა, რამდენიმე დღის შემდეგ ონისიმე ეტლში ჩასვეს და სახლში წაიყვანეს. დეკემბრის სუსხიანმა ცივმა ჰაერმა კიდევ უფრო დააუსტა ონისიმე და როცა სახლში მიიყვანეს ცოლშვილი აღარ უცვნიან...

ორი დღის შემდეგ, გულ-შემზარავმა წვილი-

კვილია აცნობა ს. ბუკანეთის მცხოვრებთ, ონი-სიმეს საუკუნოთ დაკარგვა. რამაც ყველას გული დასწყვიტა ..

ბედშვად დღეს შეჰყო ონისიმემ თავი ქარხანაში და ბედშვათაც დასრულდა მისი ტანჯული ცხოვრება. შრომის შვილს შრომაში ამოხდა ტანჯული სული. ის ერთხელ წელში არ გამართულა და თავსუფლება არ უგრძენია.

ს. რემონძე.

წკრილები რედაქციის მიმართ.

ბატონო რედაქტორო!

თქვენ პატოცემულ ჟურნალ „სალამური“-ს № 7 დაბეჭდილია წერილი ბორჯომიდან ვილაც „რაქველ მოსიაშვილისა“. რადგან ის მე ბრალსა მდებს და რაღაც ანგარიშებსა მთხოვს, ამიტომ უმორჩილესად ვთხოვთ ადგილი მსცეთ ამ ჩემ წერილს. იგი ბძანებს, რომ ვითომ მე და ხოტივარს მიგვითვისებია, 710 მ., შეგროვილი სამკითხველოს სასარგებლოდ და კიდევ ვითომ მე და ვილაც ინიციატორები (რატომ არ დასახებლა ბ. კორესპონდენტმა ეს ინიციატორები) ვილებდით სასწორის შემოსავალს 100 მ. წელიწადში სამკითხველოს სასარგებლოდ და რომ ეს ფული დღეს ჩემ განკარგულებაშია და მე ვეკლესიის ვახმარ.

ეს ყველაფერი მტკნარი სიკრუთა და ცილის წამება და ბორჯომში მცხოვრებელიათვის გაოგებარი და გასაკვირველია, თუ საიღვან და ვრხან შეკრება კორესს. ეს ცნობა

ჯერ ერთი რომ მე არავითარი კავშირი და არც არაფერი საქმე არასოდეს არ მქონია და არცა მაქვს ბატონი ხოტივართან, არც ის ვიცი დღეს სად არის იგი და არც ის ვიცი ვინ ვადასცა მის ფული და რამდენი ვადასცა. მეც საკითხავლ მაქვს ის გარემოება, რომ ამ ექვსი წლის წინად ფული მოგროვდა სამკითხველოს დასაარსებლად ბორჯომში და ნეტავ ვიკოდე ვის აქვს ის ფული? არ ვიცი და გამკვირვებია მე რა ანგარიშსა მთხოვს ბ. კორესპონდენტი?

მეორე კი, რომ სასწორის შემოსავალი არასოდეს არც ყოფილა დანიშნული და ვადადებული სამკითხველოს სასარგებლოდ და არც არის და არც ჩემ განკარგულებაშია სასწორი და მისი შემოსავალი, ბავშვებმაც კი იცის ბორჯომში. სასწორი მისცა ბორჯომის საზოგადოებას ბორჯომის მამულის გამგემ. მა სასწორს და მის შემოსავალს განაგებს ბორჯომის საზოგადოება და არა მე სამი წელიწადია (ჯერ სად იყო დაარსებული სამკითხველო) მას აქეთ, რაც ბორჯომის საზოგადოებამ, მამულის გამგის ნებართვით, სასწორის შემოსავალი ვადასდო ეკლესიის ღამის ყარაულის შესანახად წელიწადში 100 მ. სხვა დანიშნულება ამ სასწორის შემოსავალს არც ქონია და არც დღეს აქვს. ჩემ ხელში არც ყოფილა ფული და არც არის. ფულს იღებდა

მის ყარაული პირდაპირ მოიჯარადრიდან. მე მხოლოდ ყარაულს, როცა დაუგვიანებდნენ ჯამაგირს და დროზედ არ მისცემდნენ ფულს, ვეხმარებოდი ხოლმე მისი თხოვნით ფულის აღებაში. ამ საქმეს განაგებენ საზოგადოებისაგან არჩეული კაცები, მათში უმთავრესია ბ ლახარე ბეროხაშვილი რომელიც აძლევს ჯამაგირს ყარაულს თვე და თვე.

ბლახარე მღვდელ იოაკიმე (იაკინთე) გორგაძე.

ბ ნო რედაქტორა!

უმორჩილესად გთხოვთ ადგილი დაუთმოთ თქვენ პატივცემულ ჟურნალ „სალამური“-ს მახლობელ ნომერში შემდეგსა: „სალამური“-ს მეცხრე ნომერში ბ ნი ნალარა სხვათა შორის ჩემს პიროვნებას ეხება და ირონიულად დამცინის. ვერ გამიგია თუ რა აქვს ნალარას სახეში, როდესაც ტყუილ უბრალოთ ჩემს პიროვნებას შეურაცყოფს.

რაც ქ. ქუთაისში შარშან ბ-ნ ვ გუნიას რეჟისორობით და წელს მ. ქარიძის—სეზონი გაიხსნა, მე სცენარედაც არ გამოვსულვარ, რა რაიმე შეცდომა დამეშვა ჩემი „უხეირო“ თამაშით. რით შეეძლო ბ-ნ ნალარას ჩემი ნიჭის დაფასება*).

ამისთვის რა ჩემი პიროვნება აგრე შელახული არ დარჩეს, სიმართლის გამოსაავსკრავებლად საჭიროთ მიმჩნია მოვთხოვო ბატონ ნალარას თავისი დანაშაული გაასწოროს.

წინააღმდეგ შემთხვევაში მოვითხოვ გამომყვეს სამედიატორო სამართალში. მედიატორებს შემდეგ დავასახელებთ.

გრიგოლ ჩარკვიანი.

«საღამურის» ფოსტა.

ტფილისი. ალ. ჩახუნაშვილს. თქვენ მიერ მიცვალბულთან მინამდვინი პოეტური ალმაფურნა ვერ მოთავსდება ჩვენი ჟურნალის ფურცლებზე, რადგან მეტათ მგრანობიარეთ არის დაწერილი და ვმოშობთ მიცვალბულები საფლავიდან არ ამოხტენ.

ტფილისი გონქიქეთელს. ვერ ახვალ ვერა—ვერ დაიბეჭდება ვერა.

დ. სამტრედა. — პოლისინეს ნათულს. თქვენი „ზამთარი“ საუცხოვოა, მაგრამ რადგან ესლა სვაზებული იწყება ვერ მოახდენს მკითხველებზე ჯეროვან შთაბეჭდილებას და ამიტომ არ ვბეჭდავთ.

* ტყუილათ სებაოზს ბ ნი ჩარკვიანი, ნიჭის დაფასება ასე ადვილი საქმე ახ არის, ამისთვის საჭიროთ ექსპერტები. მათი მოწვევა ორივე მხარის სურვილზეა დამოკიდებული.

რედაქცია.

ქ. ოზ ერგეთი — ლილიპუტს — სამწუხაროა თქვენი „სატრფოს“ დაკარგვა. მწელი გამოსაცნობია რომელ „ხილზე“ ვაფიქროვდა, ან საით წავიდოდა. ეძებეთ და იქნებ იპოვნათ.

ქ. ზაითური. — ჯ დეისაძეს. — თქვენი „გულის მრევა“ არ დაიბეჭდება თუშკა, როგორც თქვენ იწყრებით სამი წელიწადია სწერთ, მაგრამ ჯერ პოეტობასთან შორს ხართ. თუ ძალიან გსურთ პოეტი გახდეთ, გამოუგზავნეთ თქვენი „სამი წლის ნაღვაწი“ „სინათლეს“ და თანაც სტრიქონზე თითო კაბეიკი გამოაყოლოთ.

სამდე. — ი. ქელიძეს. თქვენი „ფიქრები“ მეტათ გულის ამრევი და ამიტომ ვერ ვბეჭდავთ.

ქუთაისი — პავლე შოსეშვილს — თქვენი „ღვთისადმი ვედრება“ ჟურნალში დასაბეჭდათ არა და ამ დიდ მარბაში ლოცვათ შეიძლება გამოდგეს. ამიტომ უმჯობესია რომელიმე სოფელელ დიაკონს გარდასცეთ.

დ. სამტრედა. — ს. სამტრედიელს.

„მიყვარს ერთი ვინმე, რამე კარგია და მშვენიერი არმიყებოც ბევრი ავს ჩემისთანა სულ სულ ბევრი“.

გვიკვირს როგორ ეტრფით ისეთ ვინმეს, რომელსაც თქვენისთანა მოარზიყე კიდევ ბევრი ჰყოლია. ცოტა არ აყოს უხერხულათ ვსცნობთ ასეთ ლექსის დაბეჭდავას.

იყიდება

ძლიერ დაკლებულ ფასებში

შამღები გამოცემანი:

1) „**შშაქის მათრახი**“ 1908 წლისა. (35 ნომერი ერთად შეკერილი) — 1 მან.; დაკაზმული მშვენიერ ყდაში — 1 მან. 75 კ.; მსურველს პროვინციაშიაც გავგზავნება ფოსტით ხოლო გავგზავნის მიემატება — 50 კ

2) „**მათრახ-სალამური**“ 1908 წლისა 34 ნომერი), დაკაზმული და დაუკაზმავი — იმავე ფასებში; როგორც პირველი.

3) „**შშაქის მათრახი**“ 1907 წლისა (13 ნომერი ერთად შეკერილი) — 1 მ.; გავგზავნათ 1 — 20.

4) „**ალმანახები**“ 1909 წელში გამოცემული: „აკაკი“, „ეშმაკი“, „ჯოჯოხეთი“, „ეშმაქის მათრახი“ და „ტარტაროზი“. (სულ 10 ნომერი ერთად შეკერილი) — 30 კაბ.; გავგზავნით 50 კ.

ვისაც სურს თითო ცალს გამოწერა პროვინციებდან — ფულის მაგივრად შეიძლება, ღირებულ ფოსტის მარკებიც გამოიგზავნოს.

აღრესი: Тифлиς, Типография Шрома, Мухранская ул. № 12, Теофили Болквадзе.